

PP. 60-

SCHEMA
PARENTALIVM
SVMMAE SPEI ADOLE-
SCENTI. ILLVSTRISSIMO DO-
MINO D. HIERONYMO CHRYSOSTOMO
CHOTKIEWICZ

2
Studioſa iuuentute Academiæ Vilnensis
Societatis Iesu, pridie Calend: Aug.
Anno 1613. datorum.

Per eandem, ad diem funebris pompa expansum.
Mæſtis illius Parenti,

ILLVST^{mo} AC MÀGNIFIC O
D.D. IOANNI CAROLO CHOTKIEWICZ
Comiti in Bychow, Szklow, & Mysz.
Supremo exercitu M.D.L.Duci,
Generali Samogitiae Capitaneo,
Liuonie Gubernatori,
consecratum.

Vilnæ Apud IOSEPH VM KARCANUM
Anno Domini 1614.

IN G R Y P H E M G E N T I L I T I V M
I L L U S T R I S S I M I A C M A G N I F I C I D O M I N I D . I O A N N
C A R O L I C H O T K I E W I C Z , C O M I T I S I N B Y C H O W ,
S E C L O W &c. &c. &c.



Quid mucrone minax possit Gryphs , cerne qu
Digma, quod illius, cingit vtrumq; latus. (ter
Quam sit ei in fidei Harpyias constantia velox
Clamant cum soleis, cum iaculisq; Cruces.
Quas hosti clades, Patriæ peperit quot honores
Testatur Patrium W, triplicesq; gradus.
O felix Gryphes, non iam volucrum atq; ferar
Inde, sed humanas, lucere digne , manus .



10410

203363



A D

ILLVSTRISSIMVM ET MA-
GNIFICVM D. D. IOANNEM CAROLVM

CHOTKIEVICZ, Comitem in Bychow, Szklow,
& Mysz, supremū exercituū M. D. L. Ducem,
Generalē Samogitiæ Capitaneū, Liuo-
niæ Gubernatorē, &c. &c.

A Rtemisia, non minus bello, quam pace celebris
Regina, Ill^{me} & Ma^{ce} domine, vt Mausoli mariti sui
nomen æternitati consecraret, profusis vndiq^s diui-
tijs, ita poëtas & Oratores in eius laudes excitauit,
vt præcipuos quosqⁱ in celebrandis rebus ab eo ge-
stis, sedulo desudantes, & mutuo inter se certantes
viderit: ita in exequiis splendorē, cum amore con-
iunxit, vt cinerum eius partem, in monumento ad
septem orbis miracula prouecto, condiderit; partē
poculis inspersā, in propriis visceribus sepeliuerit, se
ipsam sepulchrū exhibens ei, à quo nec viuente, nec
mortuo, nec viuens ipsa, nec moriens, diuelli voluit.
Æmulata est in parte hanc Reginam Academia no-
stra in morte vnici filij tui, charissimi alūni sui Hie-
RONYMI CHRYSOSTOMI: nam vt primū de ea nun-
cium accepit, parentalibus vel cum ipsa Cariæ re-
gina certare decreuit. Itaq^t tam magnificum ei in
Oratorio sodalitatis excitauit mausoleum, tā multa
& varia Poëtarū atq^t Oratorū inter se certantiū pro-
duxit opera, vt plerosqⁱ qui ea spectarunt, in admi-
rationē rapuerit, me etiam ad Schema eorū exhi-
bendum, & tibi consecrandum traxerit. Verū cūm

cūm nec ea fuerit libelli moles, vt tot, tamq; varios
ingeniorū fætus potuerit capere: nec ea mei ingenij
subtilitas, vt Homeri Iliadē nucleo potuerim inclu-
dere; necesse fuit, vt multa prima tantum fronte ad
umbrarem, plura etiam omittarē. Tu qua pruden-
tia es, ex vngue leonem, ex capillo hominem, ex
his pauculis, à nobis tumultuaria opera in publicū
productis, Academiæ nostræ in te, tuosq; cognosces
affectionem. Optaslet quidem illa magis, pro eo quo
in te est animo, ad arcus triumphales, ad lauros, ad
palmas tuas, vt assolet, canere, quam ad Mausoleū
filij, & ferales taxos, atq; cupreslos gemere; quia ta-
men ei, cui nos, nostraq; omnia debemus, in omni for-
tuna non decesserat erat, & ipsa quoq; virtus HIERO-
NYMI atq; indeoles ad officiū præstandū impellebat;
fecit, quod potuit, & HIERONYMVM tuū suūq; æter-
nitati cōmendauit. Viuet enim ille semper, nec nos
men & virtutes eius vlla vñquā vetustas abolebit,
vlla ætas conticescet. Tibi vero in hoc tuo luctu, &
mærore, quo te affici nemini dubium est, vel hoc so-
lum, solatio esse debet, quod Hieronymum tuum
non tam perdidisti, quam Deo & augustissimæ eius
matri, quibus eum vix ortum consecraveras, eos
dē quo consecraveras die, Visitationi eiusdem San-
ctissimæ Virginis, Sacro reddidisti Accepitq; poten-
tissima Domina munus gratissimum, & in illam bea-
torum, ad quam omnes suspiramus, patriam dedu-
xit: vbi (vt pie speramus) pro cucullata lacerna, in
qua

uā ab vtero penē gestatus, & sepultus est , candi-
am gloriæ stolam, pro consertis in coronam glo-
ulis, quibus Angelicam Salutationē, etiam inter-
mortuis vocibus adnumerabat , immarcescibilem
almam ; pro illa suprema prece, ad quā collecto
ultimo Spiritu, deficientes graui morbo manus extu-
it, & totū corpus cum stupore adstantiū in pedes
rexit, beatorū cōsortiū ciuium, dono filij reddidit,
eiudem æquissimi , summiq; meritorū arbitri vo-
luntate adiunxit illi choro candidatorum virginū,
ui agnum, quocunq; iuerit sequuntur, & beata æ-
ternitate cvm ipso perfruuntur .

Vnus ex Academica iuuentute
nomine omnium

SCHEMATIS PARENTALIVM

Pars I.

Ingressus ad Parentalia. Sedulitas Academicorum
in comparandis, ad ea, necessarijs. Sacrum Offi-
cium. Fama postuma, vitæ & mortis genus re-
texens. Poëtæ immaturū exitum deplorantes.

EX multis diebus, qui nobis in vita nostra tristes & luctuosí acciderunt
Illustrissime Domine: tristissimus & luctuosissimus fuit ille, quo de filio
tui morre, inopinatus ad nos peruenit nuncius. Etenim quantum animo
& oculis, peruestigare porui, neminem, ex tot amplissimæ huius Ciuita-
tis ordinibus, atq; vñuersi Ducatus Lituaniae proceribus, conspexi,
qui non magnum inde Rempub. damnum, magnum Patriam vulnus tu-
lisse censeret. Quin & ipsum cœlum, non multis ante diebus serenum
in nubes se ad eum collegisse, & vberimis, frequentissimisq; imbris
tantam Reipub. cladem, defleuisse visu est. Nec verò exigua communis dol-
oris, atq; tristitiae pars, in nos est deriuata est. Sensit eam amplissimum ho-
nestarum artium Athenæum, sensit nobilis ad illud confluentum co-
rona Adolescentum, senserunt & piacularibus hostijs litarunt, qui augu-
stissimo huic Musarum præsident domicilio. Attamen tanto vehemen-
tior Academie nostra animum tristitia iuasit, tanto acerbior luctus atq;
dolor occupauit, quanto magis parentes mors filiorum, quam alios
quosvis, arctissimo etiam consanguinitatis nexu conjunctos afficere so-
let. Vnde subito in lachrymas dissoluata, has threnodias, has visa est ca-
nere nenia.

Auster, nymbiferis, cœlum complectitur alis,
Luctiferoq; Notus, gemebundum perluit ore
Gymnasium, lymphas Thyphones, in æra vasto
Absorptas portant pelago, minitantur & imbres.
Ipse Pater, radios in nubem vertit opacam,
Phæbus, flent nubes, Cæli flent, inæret Olympus.
Suggeret ast nostris, Nereus quis flumen ocellis,
Flumen, quod superet Nili septemplicis vndas:

Non

Non tanta Oleniæ signum pluuiale Capellæ,
Non tanta Vrion lachrymarum stagna ministrat.
Huc huc Pleiadum tristes properate Sorores,
Huc Hyadum fratris nece, mæsta caterua sororū.
Heu iacet, exangui, CHOTKIEWICZ conditus vrna,
Quem mihi, crudelis, deuotum inuidit Olympus.
Huc huc coniunctas, votis, celerate Camæna
Patrhenici, atrato muri velentur amictu
Mærentes; Mystæ pullas operentur ad aras
Syrmate conteſti, taxis, mixtasq; cupreslos
Atria funereis, prætendant, atria mœsta

Hic tam inominatus nuncius, quibusdam ex Academicorum numero mentem
attitonam reddidit, quibusdam oculis lachrymas excusit, omnibus altum
in pectore reliquit vulnus. Vbi sibi redditio, omnes operi præscripto se ac-
tingunt, ille pullam vestem ad parietes oratorij amiciendos colligit, hic
arbores ad cenotaphium excitandū comparat, poëta elegos, natiās, orator
threnodias, inscriptions meditatur, feruet opus, parant singuli, pro se quisq;
sedulo, quod conferat quasi Symbolon ad parentalia exornanda. Vix se-
quens illuxit dies, confluunt Academicī, hic Emblema, ille Epigramma,
hic Nātiam, ille Oden appendit cedro dignam; hic struit Cenotaphium,
& in scriptiōnibus adornaat varijs, ille altare atrata vestit cyclade, deniq; ita
neunt studiose singula singulis, ut inde facile colligas, quam sit verum il-
lud vulgare: AMOR DOCET MVSICAM. Sic ergo omnibus quaerēs postu-
labat cōparatis, inferias soluunt & susta; quaerē musici legubri voce, flexio-
nibusq; flebilibus, Academicī feruentibus prosequuntur votis. Ventum est
ad finem facti, confidunt quos capere locus potuit; prodit in medium Poëta,
famae personam mentitus, integrimansq; demortui vitam, fælici, sed præ-
matura morte conclusam, elegis querebundus prouulgat.

Torridus, Enceladū, cui sum soror, Æthna cōercet
Molitum superis, horrida bella Dijs.
Maius adorsa nefas, an in orbe licentius erret
Improba mors? in eam, cur tepet ira louis?
Abi q; cōercitione furit grauis, & ferit heu tot
Semideos pueros, semideosq; viros,

Statua

Stantia tot sternit, rerum, & surgentia fulcra
Prolem aufert, quæ ipse, tollere cœpit auos.
CHRISTOPHOROS binos, geminū prius obruit astrū
De RADI VILIACA, PACIAC A QVE domo,
Dulce ducum, atq; Palatinorum germen vtrūmq;
Delicium Phæbi, spem Litauiq; soli
Dignū vtrūq; olim qui Romę holoporphyrōs iret,
Inq; Sionæo limine cardo foret:
Vsq; adeo raræ virtutis vterq; sobrinus,
Indole primæua fulgere vilus erat
Quin mage, quod stupefacta queror, litaui ausa Gra
Atra, perillustrem, mors, temerare domū (diu)
CHOTKIEVICIADEN HIERONYMON illa peracri
Mauorti Litauum, surpuit ante diem,
Marmaricæ fuit hocce Leæ subducere Scymnum,
Aut catulum Hircanæ (res operosa) tygri.
Nescia, proh, opibus, generisue nitore moueri
Fleti armis, aris, nescia morta pijs.
Quid CAROLI CHOTKIEVICII generosius ausis?
Quid probius Nato, sanctius eius hera?
Huic tamen Heroi vis impeterrita Clothūs,
Militiæ, rapto pignore, turbat opus,
Turbat opus, sed non animum perturbat ahenum,
Est is in hostiles acer vt ante globos
Macte o Achillæa virtute valentior Heros
In te nunc patriæ, tota reposta salus
Quæ multi peperere diu, tu parta tueris
In patriæ fines, ne ruat hostis agis.

Qualis

ualis in vrbe Conon, aut filius eius Athenis,
Qualis in ampla Ephyre, Timoleon & erat.
alis es in Lithauis, Comes inuictissime terris,
Arx, column, Patriæ Lumen, honosq; tuæ
urge, tot, Hectoreis meritis, extendere nomen,
Forma, genus, vires, intereunt & opes
in virtutes, & in inclyta facia virorum,
Quæ veto, fama mori, mors fera iuris habet,
ella meus lituus, tua dudum clarat, & ornat.
Per cunctas oras cuncta per ora virum
extra solis iter, tua laus clare scit & anni,
Virtutesq; tuas, iam scit vterq; polus.
& in orbe tuum gnatum mihi certa canendi
Spes erat, eximium cui patris instar erat
anc dolor ah mihi mors nimis importuna secat spem
Illi vt vitai, stamen iniqua secat.
ors o iniqua nimis, consueta relinquere fæces,
Rebus at egregijs, obtenebrare faces ?
gone fax extincia iaces HIERONYME? cuius
Littaua res, flammis irradiata fuit,
m bene, fulgescēs ergo pharos, obruta squales,
A qua speraslet, naufraga puppis opem
moti superi pietate vtriusq; parentis,
Indole nil rara, nil probitate tua.
is genitore tuo, cedo, religiosior Heros ?
Indeprauatam, qui colit vscq; fidem.
colit & fidei HARPYIAS pius arcet inertes
Fæce Gebenniaca, Leucoreaq; satas.

In Samogitiaca cui præses iura dat ora
Mnemosynon statuit nominis ipse sui :
Oppidum ibi statuit dictum CAROLOPOLIN à se
Seu CAROLOSTADIUM; dicta Cretinga prius.
Mundifugis ibi cœnobium prænobile struxit,
Quos tua, ô Assisas, regula Sacra iuuat,
Addidit, Augusto vilendum schemate templum,
Post, vbi fata, cupit, Seçþ, Suosçþ tegi;
Iam CASIMIRVS, in hac natu minor æde quiescit
Ossa tua, ô natu maior, humanda manent.
Sacrè huic militiæ, vel quam decreset Olympus
Te nec adhuc partum, vouit vterçþ parens.
Id votum, genitor tibi morte minante renarrat,
Supremo affatu, Nata pauesne mori ?
Ne mi Nata pauet te dudum addiximus astris,
Angustæçþ viæ, qua facile astra patent.
Cum gerereris adhuc maternâ clausus in aluo
Voui ego te, læta cum genitrice Deo.
Inter, ut hos ageres, qui relligionis amorem,
Anteferunt opibus. Lux ea festa fuit.
Lux sacra Diuiparæ, cui se annua crastina reddet
Diua ea, subsilium, spero, tibiçþ feret.
Talia narranti, lætos intendis ocellos:
Ille ore auerso, mox lachrymosus abit.
Tu retinere volens abeuntem bracchia prensas
Viriculis ægris, nec retinere vales.
Te, reor, his, genitrix, factis sapientibus vsum
Docta ut erat, lachrymis est simul vsa pÿs

Ante Duci genitrix Simeoni nupta Seucensi,
Nominis haud SOPHIES, immemor ipsa sui.
Æmula Diuarum, sapienti corde Rebeccam,
Moribus est castis, hæc imitata Saram.
Hæc te crescentem prudenti pollice finxit,
Instillans animis, optima quæc tuis.
Crebra docebat opes animo affectare perennes,
Stantia, succiduis, & præhabere bonis.
Virtutum studijs, vigiliq; parare labore
Verum animi, quo nil pluris in axe decus
Si qua facem fidei nouitas & opinio pellax
Efferat in portum, seq; det igne Ducem.
Ducere Nauplicum, Dolon atq; Capharea Saxa
Hanc monuit scopulis naufraga saxa suis
Si fibras animi peteret male blanda voluptas
Sirenum clausa, crederet aure melos.
His monitis, puero prudentia creuit Vlyssis,
Et morum grauitas, ingenuusq; pudor.
Vix illa grauitate Cato puer ipse refusit,
Tamq; verecundis moribus, Hippolytus.
Et memini, & meminisse iuuat CHRYSTOME, quā ū
Prudentis specimen, quale dabasq; viri.
Vilus es ante annos, curas versare viriles.
Et quæ gessisses quoq; notare die
Hinc tibi ephemerides catus atq; diaria necris,
Tertis progressus, ad pia quæc tui
Qua nam luce Deum studiosius orsus amare,
Qua luce Angelicas iuuit adire dapes.

Aedibus,

Ædibus in sacris, te quām reuerenter habebas?
Enthea pensa precum, qua pietate dabas.
Quæ sermonis erat tibi, quanta modestia morum,
Præcipue, cum fas, accubuisse toro.
Mox vbi pulsa fames alijs residentibus, vnus
Surgebas coram stans genitore tuo
Summus amor tibi, summus honos in vtrūq; parētē
Vsq; erat, huic morem, semper vbiq; gerens,
Ipse pius genitor lachrymis testatus obortis
(Mos magis, hoc æui, rarus olore nigro)
Nil abs te dictum, nil est petulantius actum,
Posset vt offendī iure subinde tibi.
Felix vita nimis, næuis procul integra morum,
Non nisi felici, morte probanda fuit.
Cynthius æstiferum iam pressit in axe pagurum
Bis quino remeans ad Notia astra gradu.
Adduxitq; suis, Mariana profesta Calendis
Iulius, improbiūs te populante febri,
Lætus adesle diem, quo virgo numine foeta,
Viserat Elisaben, te quoq; visat aues.
Visat & ipse Deus Sacri sub imagine farris,
Quem lucens, animis exhibet ara pijs.
Ergo tibi intento das hæc mandata ministro
Craftina vt adsuerit lux fauitore Deo,
Angelica dape mēs refici, atq; adiungere CHRISTŪ,
Mī sit vt ignotę Duxq; Comesq; viæ.
Proin vbi nōx medio nigra depropérarit olympos
Tu mihi anhelanti pocla petita neges

Non

on nisi iejuno licet hoc admittere pignus,
Possit ut aligerum daps reuerenter edi.
reuerenter edis, cum mysta operatur ad aras,
Hospiti huic tanto, cor penetrale paras,
ccipis hunc ardens, hunc pectore poscis ab imo
Effugituram animam seruet ut ille tuam.
ec minus, hic in vota vocas, oransq; canensq;
Diuiparam; Socium consona vota iuuant.
ymn⁹ erat quo STELLA MARIS MATERQUE TONANTIS
ALMA, salutatum ferre sueuit AVE.
entum ut ad illud erat, quo se MONSTRARE iubetur
Esse piam MATREM, cor magis incaluit.
ocem intendebas attollens pectus in altum,
Quantum debilitas corporis ipsa tulit:
uit & adiunctio socio alternare precatus,
Et filo insertos euoluisse globos
is hilaras diuos, hilaras & vtrumq; parentem;
Et patrum, & vinciam stirpe, satuq; domum.
uæ memor officij te dictis lenijt ægrum,
Legit & extremum, flebilis, aure VALE.
um sensim immites tibi cernunt licia parcas
Rumpere, tecq; alacri pectore velle mori.
ens ut anhelabat superos. vnde orta Penates,
Sic moribunda, Parens, m^ebra manebat humus.
go poscis humili te fracta voce locari,
Spiritus ut fugiens, altius astra petat.
ili in puluillo, quem Religiosus ad vsum
Somni habuit mystes, mens tibi certa mori.

Argumentum ingens tibi paupertatis amorem
In sedisfe animo, quam pia claustra colunt.
Non tamen hæc ardens manet indonata voluntas,
Nempe coronatur mox vt olympon adis
Mox vt Olympon adis, vt spes mihi certa suadet,
(Nam secreta poli pandere fama nequit,) Spem facit assidui, tibi quæ, tolerantia morbi,
Viuo erat, hoc animus ritè piatus erat.
Spem facit integritas tibi quæ fuit aurea morum,
Quam Pater ingenuit, quam generosa Parens,
Digna Parens thalamisq; Ducū, Patre digna MIELECK
Lechiadarum olim qui Polemarchus erat.
Digna LEONTOPOLITANI, quam turba, Lycei
Vt sibi munifica m, laude sub astra vehat.
Deniq; spē facit in superos, superumq; Monarchā,
Inq; Dei Matrem, tam studiosus amor.
Absq; piaclorum remorā Duce Matre Tonantis
Felicem superos, te petijſſe lares.
Nempe dies, qua tete Deo sacrâre Parentes,
Sacra dies Mariæ, te stitit illa Deo.
Sorte tua felix HIERONYME morteq; tali;
Cunctis mundi opibus, quæ tibi emenda foret,
Sors Patriæ funesta nimis, quæ questibus altum
Æthera complebit luctisonisq; modis.
Mox vt inaudierit sibi spem cecidiſſe recifam,
Ereptum fatis tam sibi dulce decus.
Quem sibi spondebat magnum venientibus annis,
Qualem ſe genitor præsttit, vſq; Patrem,

legia Sarmatiæ, casu hoc tangetur acerbo,
Hoc Lituæc rei vulnere, vulnus alet,
ose WLADISLAVS, SISMUNDI Regia proles,
Quam synephebi huius, tristia fata gemet,
Quantum Relligio, sacras tutamen ad aras,
Perdere se quantam inæsta queretur opem,
relligio romana tenax fideiç Deiç
Hæreſeon domitrix, qua sine nulla salus.
Diuui, ô diuum regina deoç secunda,
Qvam coluit viuens hic pietate cliens.
Quantum erat očio bis huic vītē concedere lustra,
Quo mihi, quo patriæ, ferret opemç suæ.
Heu mihi, nequicquam superos in vota vocaui,
Numina nequicquam, tot venerata sacriss.
Sospes vt ille pius mihi seruaretur alumnus
Aucturus tenues relligionis opes,
Heu crescens decus hoc inuidit regia diuūm
Quæ mihi sæpe bonos, eripit ante diem.
His alijsç modis pia deplorabit alumnūm
Relligio, aureolas dilacerata comas.

Hactenus fama: eam securus iuuenis, vestis squalore sordida, os
tuli lacrymis tumidi, preficā si videre contigisset dixisse, qui sic occipit.

Planctus, Andinos Clarij per hortos
Insonet, Musæ feriant lacertos,
Et sagax neruos cytharæ sonoros,
Soluat Apollo.

Vos comas nullo cohibete nodo;
Per genas laxi fluitent capilli,



Squaleat vultus lachrymis, frequenti

Puluere vertex.

Fletibus fletus cumulate, totas

Et dolor vires, gemitusq; promat

Flebiles, mæstum piccis abollis,

Cingite corpus.

Occidit sydus Litaui Ducatus,

Occidit, primo roseos sub ortu

Quod statim totum radios per orbem,

Fundere cœpit.

Excipiunt eum paratis iam lachrymis tres Poëtae, simulq; loquuntur,
simul pectora tundunt, genas lacerant, caput cinere spargunt, nec Agatho-
nem puto causidicum, in funere Claudi, habuisse magis qui plorarent ex
animo.

Planctibus, planctus cumulamus omnes,

Tundimus pectus, laceramus ora

Spargimus totis cineres capillis;

Atq; fauillas.

Occidit sydus Litaui Ducatus,

Occidit, primo roseos sub ortu,

Quod statim totum radios per orbem,

Fundere cœpit.

Redit primus ad Næmiam

Planctibus cunctæ repleantur oræ,

In cauis Echo residens cauernis.

Heu loco extremi sonuli, querelas

Reddat & imas.

Carolus toto geminetur orbe,

Carolus quem mors viduare gnato

Vnico, quem mors spoliare gentis
Ausa decore.

Quæ dum à tribus reddūtur, non iam ipsis solum, sed toti ex oculis
mina prorumpunt conuentui, cutnq; sic taciti hæcerent in planctu, redit
uto primus, & eos abiici non oportere commoneret.

Vertite excordes, alio querelas,
Caroli gnatus lituo supremo
Pulchrior surget, Pharius fauillis
surgit ut ales.

Hic confirmati Academic i ad se redeunt, soluitur conuentus.

CHEMATIS PARENTALIVM PARS II.

qua apparatus tēpli depingitur, inscriptionesq;
rēcipua ex stēmatibus desumpta poēmatum des-
buntur argumenta.

Me, cum non nullis, apparatus templi, atque varietas detinuit scri-
m, & primum quidem, meos in se convertit oculos, compactilis illa
Aegyptiacarum armula Pyramidum, in medio Oratorio, imposita
ribus excitata: fronte, grandiori Romano charactere perenne illud
ebat.

NULLA VETVSTAS.

Inferme primum illud.

Astron eras oriens HIEROMYME, clarissim orbi
Ne nitetas, æther æmulus occuluit,

Deinde Foecanum cum Oratoribus cenam Epitaphia.

D. O. M.



203363

D. O. M.

1 ÆTERNAE MEMORIAE PERILL. ADOLESC.
HIERONYMO, CHRYSOSTOMO CHOTKIEWICZ, IOANNIS CA-
ROLI, Capitan. Sam: Com. in Mysz Bychow, &c.
Sup. exerc. in M. D. L. Gen. Liuon. Guber. &c.
&c. & Zophie de mielec Filio, Patria dolente,
gentibus parentibus, omnibus bonis complorans
tibus occubeti morte immatura. A. M. DC.XIII.
Iulij. 2. ætatis suæ fere 16. Acad. Viln. hoc posuit
monumentum. non vulgare sui, in illum olim suum
alumnum officij argumentum, ex quo si Deus illi
vitam longiorem concessisset maximum sperabat,
ornamentum.



D. O. M.

ÆTERNA

ÆTERNO DIEI

2

H. CH. CH.

^QVEM

VIRTVS NASCENTEM HONORIS
THEATRVM
MVSÆ NATVM DOCTRINÆ
ATHENÆVM,
MODESTIA EDVCATVM HVMANITATIS
OFFICINAM.

V. E.

VIXIT PRIMAM ÆTATEM
SUPRA ÆQVALES
ANIMO ET SAPIENTIA,
FATA ANIMOSUM
VIDERUNT,
ANNOSUM CREDIDERUNT,
PUERUM SUSTULERUNT,
FATIS LECTOR IMPRECARE.
MANIBUS NOSTRIS APPRECARE,
ME PRÆSSE MEDITERE,
BREVI TU SEQVERE.
VALE.

Anno Domini M. DC. XIII.
Prid. Calend. August.

R. S. S.

Ducitur semper noua pompa morti.

3. HIERONYMVS CHRYSOST. CHOTKIEVICZ, IOANNIS CAROLI, Sam. Cap. Com. in M. B. & S. exerc. in M. L. D. Gen. Liu. Gub.&c.&c. & Zophiq de mielec Filius.

Adolescens omnibus cælitus cumulatus bonis, & donis, indole singulari, prudentia supra ætatem maiorem, religione in Deum, cultu in Sanctissimam dei matrem reliquosq; superos, amore in patriam, pietate in parentes eximia, obsequio in superiores, in pares obseruantia, in inferiores officio non vulgari.

Annos natus pene 16. summo apud omnes ordinis sui relicto desiderio, mortalitate deposita in vitam se transtulit immortalem Iulij 2. die d. V. visitanti sacro. A. M. DC. XIII. hoc in loco, quod à terra mutuatus, eidem restitutum in terrâ rursus conuertendum deponi voluit, virtutis scilicet domicilium corpus. Ipsa virtus viuet supersites. Nam illa puluis & umbra non est.

Huic Iuuenes, Iuueni plenis date Lilia palmis
CHOTKIEVICZ vobis luxq; decusq; fuit.

D. D. Z. V.

Ine nos varia Threnodiarum, Elegorū, Odaturū genera, ad extremā
vo cabat oratori partē: verū decora illa tua, Gryphes, Iacula, Solea
& cætera Illustrissimæ familie vestræ Symbola, in emblematicā sce-
producta, ita omnium nostrum perstrinxerunt oculos, ita caperunt a-
os, ut vel invitatos ab eis traxerint: nam & tam frequens eorum erat
neus, ut vix censi potuerint, & tam artificiosa varietas, ut pleriq; an-
us vestræ fuerint gentis addubitarint. Dum enim Poëta proprium af-
li exprimere gestiunt, alienum illis tribuunt, dum ad dolores compo-
& conformare student, propriam formam, & habitum immutant so-
m,

magnum primum, illud geminæ tuæ sydus, volucræ genere fera Gryphis emi-
capite & priori corporis parte, formâ Aquila, adorsò nigrâ, anteriori
te phœnœcia purpura punicantis habebat: reliquo corpore sensim in leo-
m desinebat. Cuius cum ego os aquilinum, oculos igneos, alas ni-
stantes stupeo. Vide inquit unus ex socijs, quam apte, inde quod Gry-
duo animalia in suo genere imperantia complectatur, Poëta ad ciuita-
& exercitus mortem CHOTHIEVICII alludit deplorantes.

uod Gryphus ducat volucres, & bruta, biforme Stem.
Est animal membris, hinc Aquila, inde Leo. ma J.
ERONIMI deflet ciuis, milelç sepulchrum:

Spes fuit ille sagi, spes fuit ille togæ.

Verum veniamus inquit ad alia, Gryphem similiter & hic video, sed
erecto vi ante corpore, sine acinace. Proh vt iacet vagina gladio fa-
& rato haustum pectore vulnus alit, forte sibi domini dolore transe-
pectus cum cōmentus est Poëta. sed num sine fundamento videamus?

erneret Eunuchus dum pectus hiare Saulis
Vulnere, quod trepidans fixerat ense manus;
qua fides inquit, regem vel morte sequamur,
Et simile in pectus cuspidé vulnus agit.
ur stupeas vulnus Gryphi regnare per artus
Ferro, surrecto quod tulit ante pede.
st suus in Dominos Aquilis amor, estq; Leonis;
Cur desit Gryphi? Gryphs Leo, GRYPHS AQUILA EST.

Ingeniose esse ex natura & amore Leonis ac Aquilæ, Gryphis
In formâ complectentis affectum colligit. verum ego sibi quidem
nes ad beneficiorum se obsequia deuouisse memini, ad mortem nunquam
Nam & Sanctus Sabbas cum Leonis pedi medelam adhibuisset, famuli
& asini pastorem eum habuit, & Androtus cum alteri è vestigio p
te stirpem exemisset, primum quidem in spelanca triennalem hospitem
vltorem, deinde in circo salutis vindicem habere est meritus, unde &
nata populi acclamatio: Hic est leo hospes hominis, hic est homo me
cus leonis. Et ego inquit, qui mihi astabat: Scio quatuor Aquilas
pernolantes corpus sancti Stanislai dissecatum custodiisse, scio & san
Guthberto cum comite inedia laboranti Aquilam è fluvio captum pisca
obtulisse, mortem tamen cum quoquam, & pro quoquam, subiisse nescio.
Non legistis inquam forte, Sophronium, qui leonem Gerasimi Abba
vita functi presentiam, voce, facie, oculis, macrorem praeserentibus
quisiuisse scribit, se inedia, monasterium rugitu vexasse, deum ad sep
chrum eius, caput non prius lapidi allidere cessasse, quam vivere cessasse.
De Aquila audite Aelianum Phalaricus scribit (inquit ille) puerum ag
lam educasse mruoty adeo se amatissime, ut cum puer agrotarer, aquila ad
dutare assideret, cum non ederet ipsa pariter cibum non admittebas, pro
verò quam illé vita excessit, atq; efficeretur ad monumentum sepulchri, et
prosecuta est, post vbi cremaretur in medios rogos se immisit. Quod si
est iniquum illi, digna poëta inuentio, dignus comite, dignus comitis
to versus; sed extra limitem, (quod dicitur) imus, extrâc oleam, per
dere vix ante horam caenæ scripta hac possimus, at nos poëtarum eucon
teximus, poëmatu rationem indagamus. Legite Apostrophen, qua hu
vigilem, & a siduo gladium vibrantem, alloquitur Poëta Gryphum.

Ecquid vult ô Gryphs erectum corpus in altum
Quid romphæa manu, vult bis acuta sibi?
CHOTKIEWICZYIADUM forsan seruas vigil arcem,
Ut teneat domini pignora tuta sui
Pone artus Gryphis, radiantem pone macheram
Nulla, Deum contra vis retinere valet.
Hesperidum Alcides potuit sopire Draconem.
Aurea ut ex hortis, sic melimela ferat.
HIERONYMÙ, Empyreas Deus ut traducat in æde
Non poterit somnum, conciliare tibi?

Hec cum legisset, licet oculi ad alia properarent epigrammata, non
tamen linguam ab illis tragicis Poëta versibus conuenerit.

Fatis agimur, cædite fatis,

Non solicitæ poslunt curæ,

Mutare rati stamina fusi

Quidquid patimur, mortale genus,

Quidquid facimus venit ex alto

Seruatq; suæ decreta colus

Lachesis, dura reuoluta manu,

Omnia certo tramite vadunt,

Primusq; dies dedit extreum.

Non illa Ioui, vertisse licet

Quæ nexa suis currunt causis.

Quid nobis homunculis, Gryphis etiam & Aquilis armatis deplo,
amen miseram sortem licet. Ali Gryphus vnicum Lituai orbis presi,
descensum parat, & sublato Domiuo arma resignat, missionem fla-

urum poteras Lithuania ducere somnum,
Gryphs hic armatus, si vigil esset adhuc:
me orbatus eo, cui arma, decusq; ferebat
HIERONYMO, mitti se subito inde rogat:
cipe ait ferrum nostrum, generosa propago
HIERONYMI spolijs esto decora mei.
is scit an ille suo vires non conferet ensi?
non alit imbelles terra beata viros.

Sit vorum cælo ratur, da tuo HIERONYME virtutem gladio, gla-
on Moschicis, non Liuonicis solum, sed Sueticis, sed Bisantini ter-
castris En patria bello ardet, vndiq; eam circumsonante arma, hinc
quis minatur ignes, inde Bisantinus intentat ferrum Tyrannus, qui
suo innecta gravat equo, tot nobis ciues, tot penè simul tecum, ro-
niaa, belli rapit fulmina, ut non minus mihi apte ad naturam Gry-
quo infesti quam ad temporis calamitatem Poëta allusisse videatur.

O Gryphs, hostiles nosti qui ferre caballos
Trans pontum, Estonico, Liuonicō solo.
En mors HIERONYMUM nobis quæ sustulit, vrb
Craci, pallenti, vecta triumphat, equo
I, cædem domini velox vlciscere, mortis.
In stygia exanguem, tartara defer equum.
Crede mihi, nunquam poterit repedare, caballo
Priuata, in Comitis Littalidumq; lares.

Stēm² Ost hæc ad iaculum abrepti sumus, iaculum, quod Diana pharetra
cta, & Apollinis arcu excusio, ad tua aduolauit symbola, iaculum v
ma 2. non ex illis vnum, quæ corruptio cœli tractu, tota pestilenter sparser
contagionem Græcia, sed ad cuius (ut olim faczialium) iactum, class
sonant, tympana boant, tormenta tonant, incensæ ad pugnam militum
terua in vulnera & mortem ruunt, iaculum, quod propter ruam in nego
conficiendis celeritatem ipsum Abarim Apollinis sagittas præuentore
volatus perniciitate superet : propter confilij maturitatem & HIERON
MI sui pietatem, non iam Plutonis pectus sauciet, sed ipsius Dei cor aper
indeç mundi contemptum, religionis amorem hautiat.

Inferei, quondam pectus terebrasse Toparchæ,
Fertur, ab Herculea missa sagitta manu:
Quod terræ rimatus opes, penitosq; recessus
Vsibus humanis, fulua metalla dedit.
Vix nati tenero contortum missile neruo
HIERONYMI. cuius cor referasse putas?
Quem torti tenuere inter tot baltea funes
Inter purpureas, parua cuculla togas.
Crux hastile notat : crucifixi hic vulnere fluxit
Contemptus mundi, religionis amor.

Dum in his attonitus hæreo, & iucundissimam adhuc infantili
bitus mihi memoriam refrico, vnde inquit socius lateris, hanc crucem
lex impendentem & illi subscripta lege.

Pal

Pallas amat soleam, solea Mars gaudet, amore
HIERONYMUS neutri cedit, utrique placet. Stem-
ma 3.

Aptus militiae, sequitur vexilla Minerux,
Quo gestet soleam, dignius atque crucem.
Crux soleata domus, solea est crucifixa, virorum
Quos sacra Francisci, Regula rite regit.

Iungat vt hec, illis, sese coniungere gestit,
Et pauper CHRISTI castra beata sequi.

Mors Marti indoluit, tanto priuatus alumno
Quod gemat, & iuueni, fata suprema parat.

Fata suprema parat, stamen disrumpit, & inquit :
Iam soleatus eas, iam crucifixus, eas.

O Te felicem, ô te beatum HIERONYME, qui vix conceptus iam Deo
consecratus, vix in lucem editus, iam habitu vitam religiosam professus,
in amore erga eam cum annis, diebus, & horis crescebas. O quam te religio
magnum promotorem, quim studiosum habuit cultorem, testatur id nobilis
Schemate extructum CRETINGAE Monasterium, testatur templū, testatur
supremū illud, quod cum ultimo Sp̄itu effudisti, habitus sancti Francisci
desiderium. Hec sunt spolia hi triumphi, atque trophya, quae illo sublatō
inuidamors tulisti; verristi vestem secularem in religiosam, voluntatem,
quæ humana, quæ mutabilis fuit, reddidisti immutabilem. Vis plura: lege si
potes, ad illum de Dracone triumphantem equitem disticha.

Hoc, quod eques torti, direxit in ora draconis Stem-
Hastilis ferro, parca cruenta cades ma 4.

Parca cruenta cades, cernes, cum regia pompa
Deducet functi funera HIERONYMI.

Puluis hic, à Christo, cernes cum sumet honorem,
Viuere tum copies, quomodo HIERONYMUM?

Quanquam nec modo spiritus eius vagatur inglorius, aut in angulo
quopiam (vt quidam de animabus fabulantur) delitescit, sed gloriosus,
sed beatus in illa ad quam aspiramus triumphat patria: altum quidem cœ-
lum, sed

Isum, sed non iis qui virtutis Olympū frequentarunt. En HIERONYMI
scalas quibus ille cælū descendit. Erat quasi quidā gradus Zeuxis penicillo
affabre elaborati, qui quo magis ascendebant, eo magis in latitudinem, eo
magis crescabant in longitudinem, quibus hoc subiectum.

Stēm⁵ Hisce ferebatur gradibus virtutis in ædem,
ma 5. HIERONYMUS Litaui gloria rara soli :

Fors alios quæret, cæli dum scandet in arcem ?
Communi virtus, gauder, & astra gradu,

Nec procul inde commune familiarē vestrē & orbi Lituano decus Cata-
phractus ferebatur eques. Quadrupes incessu dolorem, oculis lachrymass;
fessor fronte, vultu præferebat inestitiam. Et iam vel ab inde ad HIE-
RONYMI tui corpus prosequendum & funeris pompam exornandam se
comparare significabat.

Stēm⁶ Cur terram capulo, dextram mucrone machæra
ma 6. Spectet, miraris, nec rotet ante caput?
Militis ante rogos, vt miles acinace verlo,
Lituani gnatum sic ferar ante ducis.

Hinc me iam domum properantem, ad illam socij reuocatus literans
cuius sonum non nisi labris compressis, & concluso colligimus spiritus,
quem deinde non sine lucta, cum mugitu quodam non tam proferimus quia
protrudimus gutture, rutilabat quidem illa argento, & maiorem dignita-
tem, maioremq; splendorem nigro in quo depicta erat recipiebat campo;
sed inuersa propriam formam perdere, & in w potius vernaculum, vide-
batur desinere, sub hæc illud si recte reneo legebatur.

Stēm⁷ Mars genitor tibi. Mars & auis fuit, in uida mors M
ma 7. Inuertit, cum te sustulit ante diem.

WA dhuc in hexametro erant socij, cum mihi sinistram inopinatus rubarum
mugitus perculit aurem, cessate inquam socij, tubæ CHOTKIEWICII lo-
quuntur, & cum his me vero, ecce tuos Lituos tua cornua cōspicio. sed
soluta, sed in diuersum sparsa. O tubæ quarum clangor terrori olim fuit
hostibus, quomodo nunc turbatæ, quomodo disiectæ sine sono, sine vo-
ce iacetis. Dum hæc queror, ecce eas modo simul omnes mutuo inter se
querentes, modo singulas subsidium petentes, modo famam eas solantem
audio. Accedimus itaq; propius, vineulib; solati rationem, & promi-
scue, se Angelis, fama, Poëtis offerentium excipimus Orationem.

Vindas;

Vincla, licet nostrum teneant adamantina nexū, Stem.
Nexum quem stupeat, Gordius ipse Pater. ma 8.

Nexus quē nullum tempus, quem nulla vetustas
Soluere, nec gladio, Dux valet Æmathius.

Soluit amor domini, vita quem parca solutum
Crudelis, traxit, sub iuga dura necis.

Vnam fama cape, aligeri vnam, vnamq; poëta
Hac sola vitam reddere namq; potes.

Hac simul omnes; inde singula, singulos sibi comites, singulos deligunt
socios, quorum ope aeternum HIERONYMI seruent nomen, quorum ad
miniculo perennem HIERONYMI seruent honorem & prima quidem to
tam suam spem, totam visa est in Poëtis, & Poësi ponere fiduciam.

Orpheus extinctæ, fertur succensus amore
Eurydices, furuos, mortis adisse lares

Sicq; suas moderaste fides, exanguia vitam
Ut traherent, animo, membra iugata nouam.

Cur ego idem non attentem suffulta cothurnis
Vatum, dulcisonis Pieridumq; choris?

Vltima cum venient supremæ tempora lucis,
Non cytharæ, ast litui, voce resurget homo.

Excipit vltima alterum cornu verba, & altis de penetrali pectori su
spiritis texit naniam, calentibusq; voris supremæ alloquitur tibicinē diei.

Ofera parca nimis, nimis ô lachrymabile fatum,
Cur non vis domino, continuare dies?

Cur viridi Clotho, stamen disrumpis in æuo
Enossi dignum Mathusalæq; colo:

Proh dolor ad cuius taratantara ferre parabām
Gryphes, succilus ceu rosa verna iacet.

Angelici properate chori, geminate frequentes
Clangores, surget queis rediuius homo

Si defun

Si defun*t* litui, tuba sum, me sumite, tollam
Clangores, quos mors audiat aure carens.
Sed queror in caslum, vitalis temporis hora
Nondum orta est, nondum viuidus ille dies,
Sed tamen, hoc, superi, nequeo si tempore, vestr*a*
Vitalem domino, reddere voce sonum.
Orbis, supremus veniet cum terminus, illum
Non alia ex tumulo, suscitet oro tuba.

Ad hæc tertium ingemiscens cornu, rauca, stridula, vix intelligibili
voce : Ite inquit lachryme, ite, fluite, soluo vincula, laxo habenas, fluite,
perpluite quos iuuare non possum demini cineres: nec plura locutum ver-
ba vertit in gemitus & ydum ac flebile cornu, pro clangore lachrymarum
fert vniones; veluti, si de marmoris Pliidiaci statua, niues solute defuer-
rent, vel

Qualis in ætherei, pellucens vertice montis,
Riuus muscoso, prosilit è lapide.

vbi hoc fama audiuit que nondum post prouulgat*m* HIERONYMI
mortè discesserat, sed pompa quam alijs referret considerabat, sic ait:
Ecquid CHOTKIEWICIADUM disiuncta fatiscunt

Cornua, nec solito classica more tonant.
Hic vnum cerno? quid ô quid fatale maniplis
Suecanis cornu, sic sine voce iaces;
Netimeas domino iaceat quod morte solutus,
Illius, per te, nomen in orbe canam
Et quamuis, parua, corpus tumuletur in vrna,
Eudet tristes, nomen, honosq*e*, pyras.
Mortuus est Hector, terræ mandatus Achilles.

Et tamen, hic lituo, viuit vterq*ue* meo.

Tollo hic calamum, faceo, tubæ canunt, fama loquitur. Tu vero illus
strissime Domine paucula hec ex innumeris Academicorum threnodijs de-
prompta, eo animo quo soles à nobis, ab Academia vniuersa accipe, & vel
q*u*oniam hoc libellum hunc Timanthæ operi similem reputa, quod plura in eo
gatent, quam parcant voluntatis Academicorum in te argumenta.



217

1184